

四庫全書

子部

欽定四庫全書

古今事文類聚後集卷八

宋 祝穆 撰

人倫部

兄弟

兄弟俱貴 從兄弟
義兄弟 並附

羣書要語兄荒也荒大也弟第也相次第而生也釋名此

令兄弟綽綽有裕不令兄弟交相為瘡角棠棣之華鄂

不韡韡凡今之人莫如兄弟 死喪之威兄弟孔懷原

隰哀矣兄弟求矣 脊令在原兄弟急難每有良朋况也永嘆 兄弟鬩于牆外禦其侮每有良朋烝也無戎 喪亂既平既安且寧雖有兄弟不如友生 儋爾籩

豆飲酒之既兄弟既具和樂且孺 妻子好合如鼓瑟

琴兄弟既翕和樂且湛 宜爾室家樂爾妻孥是究是

圖亶其然乎崇棣伯氏吹埙仲氏吹篳何人斯叔兮伯兮倡

予和女韓兮豈無他人不如我同父杜林終鮮兄弟謂他

人昆揚之水陟彼岡兮瞻望兄兮兄曰嗟予弟行役陟岵兄

及弟義式相好矣毋相猶矣

斯干

宜兄宜弟令德壽豈

蓼蕭

惟孝友于兄弟施于有政

陳君

兄弟睦家之肥也

禮運

兄之

齒鴈行

王制

敬其兄則弟悅

孝經

兄弟雖有小忿不廢懿親

左

兄弟天倫

左襄

二惠競爽猶可又弱一个焉

左

叔出季

處

昭元

兄弟怡怡

語十

紵兄之臂而奪之食不紵則不得

食則將紵之乎

告子

吾弟則愛之秦人之弟則不愛也

同上

兄愛而友弟敬而順

晏子

誰無兄弟如足如手

李華

駢場文

詩句一欣侍溫顏再喜見友于

陶

華萼相光飾嚶鳴悅

同響

謝靈運

人稀書不到兵在見何由

杜憶弟

頌椒添諷詠

禁火卜歡娛

杜

風撼鵲鷁枝波寒鴻鴈影

山谷

比年病酒

開涓滴弟勸兄酬何怨嗟

杜

卿家兄弟功名震麒麟閣

畫鴻鴈行

杜

君家兄弟真連璧

古今事實

謨蓋不怨

父母使舜完廩捐階瞽瞍焚廩使浚井出從而擒之象
曰謨蓋都君咸我績牛羊父母倉廩父母干戈朕琴朕

張朕二嫂使治朕棲象往入舜宮舜在牀琴象曰鬱陶思君爾忸怩舜曰惟茲臣庶爾其于予治

流言必誅

武王既喪管叔及其羣弟乃流言于國曰公將不利于孺子周公乃告二公曰我之弗辟我無以告我先王周公居東二年則罪人斯得書善乎龐公之言比之周公管蔡若處茅屋之內宜無放殺之酷

南史劉義真傳

文身遜弟

吳泰伯弟仲雍皆周太王之子王季歷之兄也季歷賢而有聖子昌太王欲立季歷以至昌於是泰伯仲雍犇荆蠻文身斷髮示不可用以避季歷荆蠻義之

兄弟相遜

伯夷叔齊孤竹君之二子父欲立叔齊及父卒叔齊遜伯夷伯夷曰父命也遂逃去叔齊亦逃國人立其中子
有弟不協

初鄭武公娶於申曰武姜莊公寤生驚姜氏遂惡之愛

共叔段欲立之請京使居之謂之京城太叔太叔完聚繕甲兵具卒乘將襲鄭京叛大叔段入於鄆公伐諸鄆太叔出奔共公曰寡人有弟不能和協而使餬其口於四方

貴介弟

伯州犁曰王子圍寡君之貴介弟也

四海兄弟

君子敬而無失與人恭而有禮四海之內皆兄弟也

以勇諾聞

漢季心以勇季布以諾聞關中

尺布之謠

漢文帝時淮南厲王長犯不軌徙於蜀不食而死民作歌曰一尺布尚可縫一斗粟尚可舂兄弟二人不相容

田宅與弟

卜式以田畜為事有少弟弟壯式脫身出獨取畜羊百餘田宅盡與弟式入山牧十餘年羊致千餘頭買田宅

而弟盡破其產復與弟者數矣王商為侯推財與弟身無所受

四人共被

後漢姜肱兄弟四人居貧作一布被而共之兄弟皆以孝行著

難兄難弟

陳紀元方子長文即陳羣弟諶季方子孝先即陳忠各論其父功德爭之不決諮於太丘

陳寔其祖也

太丘曰元

方難為兄季方難為弟世說王珉小名僧彌少有才藝名出珣右時人語曰法護非不佳僧彌難為兄耳

兄不識弟

夏馥以聲名為中官所忌遂被誣陷詔下州郡捕為黨魁馥乃自剪鬚髮變形為冶家傭親突烟炭容貌毀瘁弟靜於涅陽市遇馥不能識聞其言聲乃覺而拜之

荀氏八龍

荀爽兄弟八人潁川語曰荀氏八龍慈明無雙荀靖

字叔慈少有俊才靖弟爽亦以才顯於時或問汝南許章曰爽與靖孰賢章曰慈明外朗叔慈內潤

三龍二虎

賈彪弟兄三人號賈氏三虎晉許劭兄虔亦知名號為二龍

馬氏白眉

馬良兄弟五人並有才名里諺曰馬氏五常白眉最良
遇賊爭死

姜肱遇盜更相爭死遂兩釋焉既至郡中終不言盜盜聞

而感悔後乃就精廬求見徵君謝罪趙孝弟禮為賊所得將食之孝自縛詣賊曰禮瘦不如孝肥賊曉其意俱舍之

弟譽其兄

何充辟大將軍王敦掾轉主簿敦兄含時為廬江郡貪穢狼籍敦嘗於座中稱曰家兄在郡定佳廬江人士咸稱之充即廬江人曰所聞異於此敦默然傍人皆為之不安由是忤敦左遷

弟排其兄

許靖字文休汝南人少與從弟劭俱知名而私情不協
劭為郡功曹排擯靖不得齒叙馬磨自給

雙壁

陸暉與弟恭之並有時譽洛陽令見之曰僕以年老更
覩雙壁

蜂腰

周弘正幼孤及弟弘讓弘直俱為伯父捨所養弘正醜
而不陋言而能談誹諧似優剛腸似直善立理為當世

所宗自稱有才無貌弘直方雅氣調高於次昆或問三周孰賢人曰若蜂腰矣

腰鼓

沈仲仕齊為御史中丞與兄談弟深名譽有優劣世號為腰鼓

號龍虎狗

諸葛瑾與弟亮及從弟誕並有盛名各在一國時以為蜀得其龍吳得其虎魏得其狗

龍駒鳳雛

陸雲六歲能屬文與兄機齊名雖文章不及機而持論過之號二陸幼時吳尚書閔鴻見而奇之曰此兒若非龍駒當是鳳雛

封胡羯末

謝氏允彥秀者稱封胡羯末封謂韶胡謂朗羯謂玄末謂川皆其小字韶朗川皆早卒惟玄以功名終

為兄報仇

索靖子琳字巨秀舉秀才除郎中嘗報兄之仇手殺二十
七人時人莫不壯之

伯仁火攻

周顗字伯仁友愛過人弟嵩飲醉瞑目而謂伯仁曰君
才不如弟而暴得重名須臾舉蠟火擲伯仁伯仁笑曰
阿奴火攻固出下策耳

因兄被誅

周顗被害王敦使人弔焉弟嵩曰亡兄天下有義人為

天下無義人所殺復何所弔敦甚銜之因事誅嵩嵩事
佛臨刑猶誦經

兄願代死

王徽之與獻之俱病術人曰應終有生人樂代則死者
可生徽之曰吾才不如弟請代術人曰凡代死者必已
年有餘今君與弟俱盡何可代獻之卒徽之奔喪不哭
直上靈牀坐取獻之琴彈之久而不調曰嗚呼人琴俱
亡因頓絕月餘亦卒

少者佳

王獻之字子敬嘗與兄徽之操之詣謝安二兄多言俗事獻之寒暄而已客問王氏優劣安曰少者佳客問其故安曰吉人之詞寡以其少言故知之

兄疫不去

晉咸寧中大疫庾袞二兄俱亡次兄毗復危殆癘氣方熾父母諸弟皆出次于外袞獨留不去諸父兄強之乃曰袞性不畏病遂親自扶持晝夜不眠每撫棺哀臨極

痛楚如是者十有餘旬疫氣既歇家人乃返毗病得瘥
衾亦無恙

如左右手

邵續諫成都王頴討長沙王乂曰兄弟如左右手

戲知優劣

王曇首與兄弟會集子孫任其戲適僧達跳下地作彪
子僧虔累十博碁既不墜落亦不重作僧綽採蠟珠為
鳳凰僧達奪取打壞亦不復惜

及娶求分

繆彤兄弟四人同財及各娶兄弟求分異彤乃掩戶自
搥曰學聖人法奈何不能正家諸婦聞之叩頭謝過更
為敦睦之門

狀貌相似

見相
貌門

紫荊枯苑

京兆人田真兄弟三人共分財各居堂前有一株紫荊
華甚茂共議破為三待明截之忽其夕樹即枯苑真見

之驚謂諸弟曰木同株當分析便憔悴况人兄弟孔懷
而可離是人不如樹木也兄弟相感而更合

續齊諧記

諭勿爭財

蘇瓊除南清河太守有百姓乙普明兄弟爭田積年不
決各相援據乃至百人瓊召普明兄弟諭之曰天下難
得者兄弟易得者田地假令得田地失兄弟心如何因
而下淚諸証人莫不洒泣普明兄弟乞外再思竟釋爭
而去雖分異十年乃還同住

棠棣碑

賈敦頤為洛州司馬人為刻碑市傍弟敦實又為長史人復為立碑其側號棠棣碑

桐木韓家

韓子華兄弟皆為宰相所居第有梧桐京師稱桐木韓家以別康公其家呼子華為三相公持國為五相公

兄草弟麻

錢希白惟演從兄也惟演拜相希白當制世稱弟拜相

兄草麻自古未有惟座主拜相門生草麻前代記之

久矣

金坡遺事

弟草兄制

韓子華自鄂州再入相持國在翰苑遂當制縉紳榮之
元豐官制行曲阜之除天官南豐為西掖行詞元豐末
魯公拜相曲阜以學士草制對便殿以親嫌辭上云禁
中檢見韓維故事乃批旨云兄弟迭居詞禁兄行弟辭
弟草兄制是日以天寧節前二日密院罷散齋筵晉公

押筵曲阜居席面會撤宣召鎖院魯公大拜榮耀又非
韓公之比

事兄如父

司馬溫公光與其兄伯康年將八十奉之如嚴父保之
如嬰兒每食少頃則問曰得無饑乎天少冷則拊其背

曰衣得無薄乎

范太史集

同貴而壽

韓獻肅公絳兄弟天性友愛自忠憲公為兩府大臣至

公兄弟同時為宰相近輔皆三人又皆眉壽公將歸許而兩弟時皆七十同時請老朝廷未許其為榮盛前古

未有

行狀

卯君呼弟

蘇子由已卯生東坡嘗呼之曰卯君而不斥其名

二龍出守

以下係兄弟俱貴

梁簡文帝餞臨海太守劉孝儀蜀郡太守劉孝勝詩曰兩杜昔夾河二龍今出守

大馮小馮

馮立弟兄野王相代為西河上郡太守民歌之曰大馮
君小馮君兄弟繼踵相因循聰明賢智惠吏民政如魯
衛德化鈞周公康叔猶二君

並居兩省

劉禕之為左史懿之時為給事中兄弟並居兩省時論
美之

同時榮達

陳堯叟堯佐俱拜平章堯咨以儒臣授節度使同時貴
顯 孫何孫係孫僅皆以進士冠天下 宋庠宋祁號

二宋

群見狀
元門

同榜擢第

張楚金年十七與兄越石同舉進士李靖時在中書曰
國家貢舉求才行何嫌數舉遂俱進士擢第

兩家兄弟同

溫大雅在隋與顏思魯俱在東宮弟彥博與思魯弟慤

楚同直內史省弟彥將與愍楚弟遊秦同典秘閣二
家兄弟各為一時之選論者謂少時學業顏氏為優其
後職位溫氏為盛

自相交承

京闈李愬自鳳翔隴右節度代其兄愿為武寧軍節度
使兄弟交換除授兩鎮

同為幕官

西川杜愷辟楊叔節度判官弟嚴觀察判官兄弟同幕

時人榮之未幾同入為御史

念從弟語

以下係
從兄弟

馬援南擊交趾曰吾從弟少游嘗哀吾慷慨多大志曰
士生一世但取衣食裁足致求贏餘徒自苦耳當吾在
浪泊西里間下潦上霧毒氣薰蒸仰視飛鳶站站墮水
中卧念少游平生語何可得也

私弟以官

王衍雖居宰輔之重不以經國為念而思自全之計乃

以弟澄為荊州族弟敦為青州因相謂曰荊州有江漢之固青州有負海之險卿二人在外而吾留此足以為三窟矣識者鄙之

三從同居

牛敬則與三從昆弟居四十餘年貲產無異當時以為義

三鳳

薛收與從兄弟元欽及族兄德音齊名世稱河東三鳳

兄事子產

以下係
義兄弟

孔子過鄭與子產如兄弟孔子兄事子產

史

兄事趙禹

漢張湯趙禹共定律令務在深文禹至少府湯遷廷尉
彼此交懽湯嘗以兄事禹

恩若兄弟

關侯張飛為別部司馬先主與二人寢則同床恩若兄
弟稠人廣坐立侍終日

兄事同庚

孫權母謂權曰公瑾伯符同年小二月耳我視之如子
汝可兄事之權奉命惟謹

古今文集

雜著

送韓豐詩後序

柳宗元

春秋時晉叔向者垂聲邁烈顯白當世而其兄銅鞮伯
華匿德藏光退居葆和士大夫其不與叔向游者罕知

伯華矣然仲尼稱叔向曰遺直內義又稱伯華曰多聞
內植進退兩尊榮於策書故羊舌氏之美至於今不廢
宗元嘗與韓安平于上京追用古道交於今世以是知

吾兄矣

豐之季弟
泰與余善

書寄祝有道

黃魯直

柳開為叔母穆夫人墓誌其間書月旦望叔母拜堂下
即上手低面聽奉我皇考告戒之曰人家兄弟無不義
者蓋因娶婦入門異姓相聚爭長競短漸漬日聞偏愛

私藏以至背戾分門割戶患若賊讐皆婦人所作男
子有剛腸者幾人能不為婦人言所惑吾見多矣若等
寧是耶退即惴惴閉息恐然如有大誅責至死不敢道
一語為不孝事開輩賴之得全其家也

朱文公作外
祖遺事援此

古詩

示全真元常

韋應物

余解郡符去爾為外事牽寧知風雨夜復此對床眠始
話南池飲更詠西樓篇無將一會夢歲月坐推遷

上留田

李白

行至上留田孤墳何崢嶸積此萬古恨春草不復生悲
風四邊來腸斷白楊聲問是誰家地理沒蒿里塋故老
為余言言是上留田蓬科馬鬣今已平昔之弟死兄不
葬他人舉銘旌一鳥死百鳥鳴一獸走百獸驚恒山之
禽別離苦欲去迴翔不能征田氏倉卒骨肉分青天白
日摧紫荆交柯之木本同形東枝憔悴西枝榮無心之
物尚如此參商胡乃尋天兵孤竹延陵讓國揚名高風

緬邈頽波激清尺布之謡塞耳不能聽

贈秦少儀

黃魯直

汝南許文休馬磨自衣食但聞郡功曹滿世名籍籍渠
命有顯晦非人作通塞秦氏多英俊少游眉最白頗聞
鴻鴈行筆皆萬人敵吾早知有覲而不知有覲少儀袖
詩來剖蚌珠的皪乃能持一簇與我箭鋒直自吾得此
詩三日卧向壁挽之不能寸推去輒數尺才難不其然
有亦未相識

律詩

遠懷舍弟穎觀等

杜甫

陽翟空知處荆南近得書積年仍遠別多難不安居江
漢春風起冰霜昨夜除雲天猶錯莫花萼尚蕭疎對酒
都疑夢吟詩正憶渠舊時元日會鄉黨羨吾廬

轍幼從子瞻兄讀書未嘗一日相舍既壯宦
遊四方讀韋蘇州詩有那知風雨夜復此
對床眠惻然感之乃相約蚤退為閒居之

樂故子瞻始為鳳翔幕官留詩與轍曰夜

雨何時聽蕭瑟

鄭州馬
上作

其後子瞻通守餘

杭復移守膠西而轍留滯於睢陽濟南不

見者七年熙寧十年二月始復會於澶濮

之間相從赴彭城留百餘日宿於逍遙堂

追感前約作二小詩云 蘇子由

逍遙堂後千尋木長送中宵風雨聲卧喜對床尋舊約

不知飄泊在彭城

又

秋來東閣涼如水客去山公醉似泥困睡北窗呼不醒
風吹松竹雨淒淒

子由將赴南都與余會宿於逍遙堂作兩絕
句讀之殆不可為懷因和其詩以自解余
觀子由自少曠達天資近道又得至人養
生長年之訣而余亦竊聞其一二以為今
者宦遊相別之日淺而異時退休相從之

日長既以自解且以慰子由

蘇子瞻

別期漸近不堪聞風雨蕭蕭已斷魂
猶勝相逢不相識形容變盡語音存

又

但令朱雀長金花此別還同一轉車
五百年間誰復在會看銅狄兩咨嗟

寄子京

宋公序

八年三郡駕朱輪更忝鴻樞對秉鈞老去師丹多忘事
少之燭武不如人車中顧馬空能數海上逢鷗想見親
唯有弟兄歸隱志共將耕鑿報堯仁

煮豆燃萁

魏文帝令東阿王七步中作詩不成者應大法王應聲
曰煮豆燃豆萁豆在釜中泣本是同根生相煎何太急
不肯奪嫡

曹植以蓋代之才他人猶愛之況於父乎使其稍加智

巧奪嫡猶反掌耳植素無此念深自斂退雖丁儀等坐誅辭不連植黃初之世數有貶削方且責躬上表求自試兄不見察而不敢廢恭順之義卒持此以自全可謂仁且智矣文中子曰至哉思王以天下讓真篤論也

後村

終不怨兄

曹植贈白馬王彪云丈夫志四方萬里猶比隣恩愛苟不虧在遠分日親何必同衾幃然後展殷勤憂患成疾疾無乃兒女仁倉卒骨肉情能不懷苦辛末云離別永

無會執手將何時王其愛玉體俱享黃髮期於時諸王
凜凜不自保子建此詩憂傷慷慨有不可勝言之悲詩
中所謂蒼蠅間白黑譏巧令親疎蓋為灌均輩發終無
怨兄之意處人倫之變者當以為法

後村

夢弟得詩

謝惠連幼有奇才族兄靈運每有篇章對惠連輒出佳
句靈運作春詩未就夢見惠連覺而得池塘生芳草之
句自謂神助云

嫂叔

婦如
小姑並附

羣書要語嫂尊嚴之稱

儀禮

嫂叔不通問

曲禮

嫂叔之無服

蓋推而遠之也

嫂不撫叔叔不撫嫂

雜記

嫂溺不援是

豺狼也

孟子

西方謂亡壻為丘嫂丘空也兄亡獨有嫂也

或曰丘大也長嫂稱也顏師古云史記丘字作巨皆大

也

漢書注

娣如長婦謂稚婦為娣婦娣婦謂長婦為如婦今或云

妯娌

爾雅

介婦請於冢婦

內則

世皆疑娣如之名皆以兄妻

呼弟婦為娣弟婦呼兄妻為姒公羊傳曰娣者何弟也
是以弟解娣自當以長解姒長謂身之年長非夫之年
長也左傳成十一年穆姜謂申伯之母為姒昭八年叔
向之嫂謂叔向之妻為姒二者皆呼夫弟之妻為姒豈
計夫之長幼乎女子同出謂先生為姒後生為娣鄭云
同出謂俱嫁事一夫也事一夫者以已先生為姒後生
為娣則知娣姒以已之年非夫之年也

爾雅

古今事實

嫂不為炊

蘇秦顙頰而歸妻不下機嫂不為炊及為秦相佩六國印歸兄弟妻嫂側目不敢仰視秦笑曰何前倨而後恭也嫂謝曰見季子位高而金多也

嫂轅釜羹

轅音歷

漢高祖微時嘗與賓客過其丘嫂食嫂厭叔佯為羹盡轅釜客已去而視釜中有羹由是怨嫂及即位獨不封其子太上皇為言高祖曰非敢忘也為其母不長者封

其子為羹頡侯

為嫂所嫉

陳平同兄伯居伯嘗縱平游學人或謂平何食而肥其

嫂嫉平不親家產曰食糠竅耳

麥糠中
不破者

有叔如此不如

無伯聞之遂棄其婦故人或譏平居家時盜其嫂

不辯盜嫂

直不疑為郎朝廷毀之曰狀貌雖美善盜嫂何不疑曰

我無兄終不自辯

奉嫂致恭

馬援奉嫂必致其恭不冠不入廬

小郎囑新婦

王衍妻郭性貪鄙欲令婢路上擔糞衍弟澄年十四諫郭以為不可郭大怒謂澄曰昔夫人臨終以小郎囑新婦不以新婦囑小郎因捉其衣裾將撻之澄爭得脫

為小郎解圍

謝道韞為王凝之妻凝之弟獻之嘗與賓客談議詞理

將屈道韞遣婢白獻之欲為小郎解圍乃施青綾步障以自蔽申獻之前議客不能屈

列女

新婦配叅軍

王渾妻鍾氏字琰生子濟渾嘗共琰坐濟趨庭而過渾欣然曰生子如此足慰人心琰曰若新婦得配叅軍生子固不翅如此耳

叅軍謂渾弟淪也

喜羣從兄弟

謝道韞奕之女適王凝之甚不樂曰一門叔父則有阿

大中郎羣從兄弟則有封胡羯末不意天壤之間乃復有王郎

嫂撫幼叔

謝朗父據早卒朗總角時病新起體羸未堪勞于叔父安前與沙門支遁講論遂至相苦嫂王氏再遣信令還安留之竟其論王因出曰新婦少遭艱難一生所寄惟在此兒為流涕攜朗去

見嫂與別

阮籍嫂適還家籍見嫂因與之別或譏之籍曰禮豈為我輩設耶

誤認伯偕

見狀貌門

叔射殺牛

隋吏部尚書牛弘弟弼好酒而酗嘗醉射殺弘駕車牛弘還宅其妻迎謂之曰叔射殺牛弘聞無所恠問直答曰作脯坐定其妻又曰叔射殺牛大是異事弘曰已知顏色自若讀書不廢

如娣禮法

以下像娣如

王渾妻鍾氏字琰弟湛妻郝氏皆有德行琰雖門高與郝相親重郝不以賤下琰琰不以貴陵郝時人謂鍾夫人有禮郝夫人有法兩稱之

讓娣管鑰

李光進弟光顏先娶而母委以家事及光進娶而母已亡弟婦籍貲貯納管鑰於如光進命反之曰娣逮事姑且嘗命主家事不可改因相持泣乃復如初

古今文集

雜著

祭嫂鄭夫人文

韓愈

愈謹於逆旅備時羞之奠再拜頓首敢昭祭於六嫂榮陽鄭氏夫人之靈嗚呼天禍我家降集百殃我生不辰三歲而孤蒙幼未知鞠我者兄在死而生實維嫂恩未訖一年兄官王官提攜負任去洛居秦念寒而衣念饑而食疾沴水火無灾及身劬勞閔閔保此愚庸年方及

紀荐及凶屯兄罹讒口承命南遷窮荒海隅天關百年
萬里故鄉幼孤在前相顧不歸泣血號天微嫂之力化
為夷蠻水浮陸走丹旄翩然至誠感神反葬中原既克
反葬遭時艱難百口偕行避地江濱春秋霜露薦敬萍
蘩以享韓氏之祖考曰此韓氏之門視余猶子誨化諄
諄爰來京師年在成人屢貢于王名乃有聞念茲鈍頑
非訓曷因感傷懷歸殞涕熏心苟容躁進不顧其躬祿
仕而還以為家榮奔走乞假東西北南孰云此來乃覩

靈車有志弗及長負殷勤嗚呼哀哉昔在韶州之行受
命于元兄曰爾幼養於嫂喪服必以朞今其敢忘天實
臨之嗚呼哀哉日月有時歸合塋封終天永辭絕而復蘓
伏惟尚饗

小姑

小姑小郎

王建新嫁娘詩云三日入厨裏洗手作羹湯未諳姑食
性先遣小姑嘗張文潛寄衣曲云別來不見身長短試

比小郎衣更長二詩當以建為勝文潛詩與晉人叅軍

新婦之語俱有病

後村

詩比小姑

古樂府新婦初來時小姑始扶床今日被驅遣小姑如

我長回頭語小姑勿嫁似兄夫

全篇見出妻門之棄婦詞

庶幾哀而

不怨矣

後村

古今事文類聚後集卷八

欽定四庫全書

子部

古今事文類聚後集卷十九

詳校官中書臣康綸鈞

侍讀臣孫球覆勘

總校官編修臣王燕緒

校對官中書臣趙秉淵

謄錄監生臣鄧洪繼

欽定四庫全書

古今事文類聚後集卷九

宋 祝穆 撰

人倫部

閔閔子弟

世率不克紹並附
餘見有子及不肖子門

羣書要語諸侯世子世國注象賢也

王制王孫貴介公

子

全

朝廷顯官須公卿子弟為之何者少習其業日熟

朝廷事臺閣之儀不教而自成寒士縱有出人之材固

不能聞習也

選舉志李德裕云

娟好靜秀瑤環瑜珥蘭茁其芽

韓文

蘭砌傳芳鯉庭稟訓

臨川集

詩句家襲韋平身業文素風清白至今貧

劉禹錫

一家何

啻十朱輪諸父雙飛秉大鈞

劉禹錫贈李庚赴選

東山子弟家風

在坡閨庭蘭玉照鄉閭

坡

不克紹世祿之家鮮克由禮

書

貴游子弟未免襁褓而

加青紫之秩纔勝衣冠而居寵榮之位

抱朴子

古今事實

佳公子

平原君翩翩濁世之佳公子也

戒其訓子

後漢劉祐為郡主簿郡將小子出錢令市果實祐悉買
筆書具與之白郡將郎君年可入學而但傲浪遠近謂
明府無過庭之教郡將從其言使就祐學遂成儒業

父任八官

汲黯以父任孝景時為太子洗馬袁盎以兄任為郎

不好綺繡

班伯詔受學於金華殿中數年金華之業絕出與王許

子弟為羣在綺繡紈袴之間非其好也

前漢班氏叙傳

訪康成後

魏室旌賢特訪康成之後

晏公類要

謝庭蘭玉

佩紫香囊

並見姪門

衣刺文袴

謝尚好衣刺文袴諸父責之因而自改

襁褓清官

李義甫諸子雖襁褓皆補清官

本傳

授六品官

沈義倫盧多遜為相其子起家即授水部員外郎後遂為令當今之朝奉郎是也呂文穆為相當任子奏曰臣忝甲科及第釋褐止受六品京官況天下才能老於巖穴不能需寸祿者多矣今臣男始離襁褓膺此寵命恐

罹譴責乞以臣釋褐時所授官補之自是止授六品京官因為定制以至今日

揮麈錄

棄科舉學

呂希哲字原明少好學王安石謂之曰士未官而專科舉者為貧也有官矣而復事科舉是僥倖富貴利達而已學者不由也希哲遂棄科舉一意古學

不與寒士爭進

王文正公旦以儉約率勵子弟使在富貴不知為驕侈

兄子睦欲舉進士公曰吾嘗以太盛為懼其可復與寒士爭進至其薨也子素猶未官遺表不求恩澤

神道碑

孔庭傳授

以下係世學

孔子之子伯魚過庭學詩禮孔子之孫子思述所聞作中庸

代作宗師

伏氏自東西京相襲為名儒以取爵位中興而桓氏尤盛自榮至典世宗其道父子兄弟代為師儒

王氏青箱

王悅之字少明父納之有青箱世謂之王氏青箱家世練習朝儀並諳江左舊事

自尊其祖

王通曰甚矣王道難行也吾家頃銅川六世矣未嘗得宣其用退而咸有述焉蓋先生

生宋朝王先生

之述曰時變論

江州府君之述曰五經決錄晉陽穆公之述曰政大論同州府君之述曰政小論安康獻公之述曰皇極讜議

銅川府君之述曰興衰要論余小子獲覩成訓勤九載
矣

福時編中說

王通講道河汾著中說其弟凝繕錄名諸子而謂之曰
先兄之緒言也孺子奉之母使失墜福時編為十卷于
以觀先君之事業明道垂訓傳子孫以為素業其孫勸
勃皆有文名

家事
雜錄

三蘇父子

蘇洵嘉祐間與其二子軾轍至京師歐陽脩得洵書二十篇大愛其文詞謂賈誼劉向不能過也遂以其書獻諸朝其二子同舉進士又同登制科一旦父子隱然名動京師而蘇氏文章乃擅天下

范氏唐鑑

范蜀公鎮之孫祖禹著唐鑑

邵氏聞見

邵康節雍之子伯溫作聞見錄

膏梁之性

以下係
不克紹

樂伯請公族大夫公曰夫膏梁之性難止也 賈逵曰

膏肉之肥者梁食之精者言享肥美者率驕放其性難

止也

左

降在皂隸

叔向曰樂卻胥原狐續慶伯降在皂隸注八姓舊臣之

族皂隸晉臣也

左

漢功臣苗裔或絕或乏生為愍隸或

為轉屍

功臣
表

不辨菽麥

見不肖子門

不肖敗家

唐李勣謂其弟弼曰我見房玄齡杜如晦辛苦立門戶
悉為不肖子敗之我今以子孫付汝可慎察有不厲言
行交非其類悉榜殺之毋令後人笑我猶笑房杜也

覆試曳白

唐苗晉卿知選以張奭為第一奭中丞倚之子本無學
術議者囂然玄宗覆實奭持紙終日筆不得下人謂之

曳白晉卿坐貶

販鬻松檟

見婚
姻門

積財必破

唐盧坦為河南尉時杜黃裳為尹召坦曰某家子與惡人遊破產盡察之坦曰凡居官廉雖大臣無厚畜其能積財者必剝下以致之如子孫善守是天富不道之家不若恣其不道以歸於人黃裳驚服其言

彈絲弄竹

太祖曰資蔭子弟但能在家彈琵琶弄絲竹而已豈能

治民于是不許親民

石介聖政錄

古今文集

雜著

奏宰執子弟曲恩

朱勝非

祖宗舊制宰執子弟例不堂除只於銓部注擬罷政不以罪則推恩遷補蓋二府號表則之地不阿其親當以身率之也趙普子弟皆作武官普再作相長子授莊宅

使元祐中范純仁再入相子平正博學能文行義甚高
未嘗出官竟先選調紹聖中章厚作相九年子援及持
皆高科有學問士論推許並為州縣幕職監當官惟是
仁宗以來夏竦子安期累作邊帥授待制直學士熙寧
間王安石由經史東政薦其子雱為崇政殿說書除待
制後因三經義成遷直學士力辭不受然安期猶有才
幹雱猶有學問至蔡京拜相不數年子六人孫四人為
執政從官有謝表云奉觴在庭子孫並列張蓋歸第父

子同途宰相鄭居中二子脩年億年劉正夫二子卓民
阜民余深二子日章元清王黼一子閔孚白時中一子
彥暉執政蔡卞一子仍鄧洵仁一子襄鄧洵武一子雍
並以曲恩倖例列於從班而阜民襄閔孚尤懦弱或始
十餘歲宣和末諫官李會抗疏論列以為尚從竹馬之
遊已造荷囊之列時以為名言

官銜去左右字

趙善俊

臣切見元祐間范純仁當國一時科舉取人多得豪傑

之士范純仁病夫公卿家子弟或不知書言於朝乃於
有無出身人銜位上帶左右字以分優劣純仁之意非
有他也蓋欲公卿子弟知向學故為是以獎勸焉然不
知國家用才應舉覓官乃寒士竊此進身耳其與門蔭
未可以優劣判若以左右二字區別則門蔭子弟為善
者或怠官不知所以自勉自重欲望陛下除去左右二
字則士大夫自勵自勸相與激發以自致功名奉聖旨
依

遂初堂記

黃直卿

名翰

始予識劉君正之於屏山正之年方十六七予意其貴
顯已三世綺繡之習聲色之樂軒冕之味必有以動其
心成其質者已觀其貌聽其言察其行則褒衣博帶執
巾芒屨不見其瑤環瑜珥也左圖右史吟風詠月不見
其粉白黛綠也高談抗論動與世忤不見其脂韋嫵媚
與波上下也予退而歎曰富貴人所欲也彼豈異於人
哉所謂居移氣養移體者果足信也哉抑其年少氣銳

久而遂變也哉自是以來與之交日熟情日親即其新以考其舊蓋有甚焉無不及也其後予以禍患權折退居故鄉而正之方馳騁東西為諸侯客蓋不見者十有餘年既而聞其以憤世嫉邪斥辱權要罷歸田里其先公之賓客有顯國秉者其先太夫人之親族有屬中宮者宦遊之交好有為天子之耳目者宜若可以自白且彈冠矣親故愛正之者亦率以是勉之而正之偃然而不應日與親朋彈琴賦詩蒔花植竹蕭然若將終身焉

予又退而歎曰是其天資之美不以外物累其中者也是真能不負其初心者也此古之有道者之所難而風雨之詩所為作也癸亥之秋予復訪正之于屏山正之與予言曰予少時嘗以遂初名其所居之室晦菴朱先生嘗為余書之子能為我記之乎予曰若先生者固望子以遂其初予固有以知子之果能遂其初也富貴之毒人也甚於鴆惟其嗜之美也而其毒愈深螭蛆甘帶鴟鴞嗜鼠彼豈知其為臭腐哉墻間之餘嗟來之食蓋

有妻妾之所不屑者而大丈夫不顧廉恥而冒求之今
子生於公相之家狃於富貴之樂而能遺外聲利不改
其度如此是豈不甚可敬哉雖然子之初亦既遂矣吾
請卒言其所謂初者子其為我聽之天地之初太極是
也人物之初性善是也聖賢之初赤子之心是也斯其
能遂吾之所謂初者乎子能遂之則子之家之初忠烈
如延康勲業如少傳道德如屏山備前人之美發揮而
光大之如忠肅者子皆有以遂之矣正之曰某不敏敢

不敬蚤夜以承子之教因書其本末以為遂初堂記

古詩

詠史

鬱鬱澗底松離離山上苗以彼徑寸莖蔭此百尺條世
胄攝高位英雄沉下僚地勢使之然由來非一朝金張
藉舊業七葉珥漢貂馮唐豈不偉白首不見招

雜著

以下係
不克紹

子弟不學

人生在世會當有業農民則計量耕稼商賈則討論貨
賄工巧則致精器用技藝則沉思法術武夫則慣習弓
馬文士則講議經書多見士大夫耻涉農商羞務工技
射既不能穿札筆則纔記姓名飽食醉酒忽忽無事以
此銷日以此終年或因家世餘緒得一階半級便自為
足全忘脩學及有吉凶大事議論得失蒙然開口如坐
雲霧公私宴集談古賦詩塞默低頭欠伸而已有識旁
觀代其入地何惜數年勤學長受一生愧辱哉梁朝全

盛之時貴游子弟多無學術至於諺云上車不落則著作體中何如則秘書無不熏衣剃面傅粉施朱駕長簷車跟高齒履坐綦子方褥憑班絲隱囊列器玩於左右從容出入望若神仙明經求第則顧人答策三九公譙則假手賦詩當爾之時亦快士也及亂離之後朝市溲革銓衡選舉非復曩者之親當路秉權不見昔時之黨求諸身而無所得施之世而無所用披褐而喪珠失皮而露質兀若枯木泊若窮流鹿獨戎馬之間轉或溝壑

之際當爾之時誠駑材也有學藝者觸地而安自荒亂
以來諸見俘虜雖百世小人知讀論語孝經者尚為人
師千載冠冕不曉書記者莫不耕田養馬以此觀之汝
可不自勉耶若能常保數百卷書千載不為小人也況
父兄不可常依鄉國不可常保一旦流離無人庇蔭當
自求諸身耳諺曰積財千萬不如薄技在身技之易習
而可貴者無過讀書也

顏氏
家訓

悲哉行

白居易

悲哉為儒者力學不知疲讀書眼欲暗秉筆手生胝十
上方一第成名良苦遲縱有宦達者兩鬢已成絲可憐
少壯日適在窮賤時丈夫老且病焉用富貴為沉沉朱
門宅中有乳臭兒狀貌如婦人光明膏粱肌手不把書
卷身不操戎衣二十襲封爵門承勲戚資春來日日出
服御何輕肥朝從博徒飲暮有娼樓期平封去聲還酒隸
堆金選娥眉聲色狗馬外其餘一無知山苗與澗松地
勢隨高卑古來無奈何非獨君傷悲

詩話

詩諷貴遊

蜀王建僭位遊龍華禪院召僧貫休口誦近詩時諸王
外戚皆侍坐休欲諷之因誦公子行曰錦衣鮮華手擎
鸛閒行氣象多輕忽稼穡艱難總不知五帝三皇是何
物

外史

世家

羣書要語惟乃祖乃父世篤忠貞服勞王家厥有成績

紀于太常

君牙

仕者世祿

孟子

世濟其美

史記

畿內諸侯有大

功德元子出封畿外則王命世子守其邑若有賢才則

世為公卿

禮記疏

所謂故國者非謂有喬木之謂也有世

臣之謂也

孟子

席寵門緒

陳子昂

公門有公卿門有卿

王忱釋時

論

詩句金張藉舊業七葉珥漢貂

左太冲

門闕冠雲霄

杜家

聲蓋六合

同上

地甲門闕大

元微之

世祿金張貴

孟浩然

君家

兄弟真連璧門十朱輪家萬石

坡

唐朝韓老誇張藉定

有雲孫作世家

山谷

古今事實

公侯復始

畢萬筮仕於晉遇屯之比辛廖占之曰吉其必蕃昌公侯之卦也公之子孫必復其始注萬畢公高之後為魏之子孫衆多張本

譏用世卿

尹氏卒尹氏者天子之大夫也其稱尹何貶也譏世卿

世卿非禮也注世卿者父歿子繼也公卿大夫皆選賢良而用之蓋卿大夫任大職重不當世為其秉政日久恩澤廣大小人居之必奪君之威權

公羊

相門有相

田嬰有賤妾子名文乘間問其父嬰曰孫之孫為何曰為立孫立孫之孫為何曰不能知也君用事相齊至今三年矣齊不加廣而君私家富累萬金門下不見一賢者文聞將門必有將相門必有相今君後宮蹈綺縠而

士不得短褐僕妾餘穀肉而士不厭糟糠公家之事日損文竊怪之

一門萬石

石奮長子建次甲次乙次慶皆以馴行孝謹官至二千石景帝曰石君及四子皆二千石人臣尊寵舉集其門號奮為萬石君

侍中十人

張安世子孫相繼自宣元以來為侍中中常侍者凡十

餘人

四世公卿

太丘長陳寔寔子鴻臚紀紀子司空羣羣子僕射泰四
世仕於漢魏二朝並有重名而其德漸漸小減時人語
曰太丘四世公慙卿卿慙長

博物

門十朱輪

楊惲家金盛時一門乘朱輪者十人

四世五公

後漢汝南袁安為司徒子敞為司空孫湯為太尉湯子逢為司空逢弟隗為司徒

袁不及楊

東京楊氏袁氏累世宰相為漢名族然袁氏車馬衣服極為侈僭能守家風為世所貴不及楊也

華嶠書

累世貴達

鄧氏累世貴寵凡侯者二十九人太尉二人大將軍以下十三人東京莫盛於此

鄧禹傳

家世掌法

郭躬字仲孫為廷尉家世掌法務在寬平 吳雄字季

高及子訢孫恭三世為法名家 陳咸孫躬躬子寵寵

子忠皆典漢刑法 後漢郭文宏子孫七人為廷尉

三入司隸

鮑宣字子都與子昶孫昱俱為司隸俱乘驄馬京師歌

曰鮑氏驄三入司隸再入公

三葉侍中

後漢馮魴曹褒父子並三葉侍中

四世太尉

漢楊震至彪四世太尉德業相繼與袁氏並為東京名

族本
傳

青紫充盈

劉向疏曰今王氏一姓乘朱輪華蓋者二十三人青紫
貂蟬充盈幄內魚鱗左右

三世僕射

晉謝安安子琰琰子琨三世僕射

四世吏部

謝莊莊子肱肱子倫倫子覽覽孫溫四世六人為吏部

四世守鄉郡

晉會稽孔榆子安國榆孫靖二子山士靈符四世五人
為本郡

猶龍猶虎

王僧虔戒子書曰王家門中優者如龍鳳劣者猶虎豹

南史

三世益州

晉汝南周訪訪子撫撫子楚三世益州

家有縣譜

南齊傳琰字季珪父僧祐為山陰令及琰又為之山陰
東土大縣難為官長僧祐在縣尤明察有稱父子並著
奇績江右鮮其儔匹云說者謂傳有治縣譜子孫相傳
不以示人

五世吏部

宋何尚之子偃偃子戢戢子昌寓昌寓子敬容五世俱為吏部

三人學士

貞觀中顏師古相峙勤禮三人皆為弘文館學士

四世司空

唐袁明遠祖滂為漢司徒自滂至明凡十二世其間位

司徒司空者四世

本傳

三世制誥

唐李德林至百藥安期三世掌制誥

三為舍人

王從易昆仲三人開元中鳳閣舍人

三世僕射

高士廉遷尚書右僕射三世此官世榮其貴

一門之盛

崔義玄子神基為相弟神慶子琳等皆至大官群從數

十人

一榻置筓

崔儼諫議大夫其羣從數十人自興寧里晉謁大明宮冠蓋駟從相望每歲時宴於家特設一榻以置筓筓猶重積于上琳與弟太子詹事珪及光祿卿瑤具列棨戟當世號曰三戟崔家

三世典選

唐劉珍甫子祥道祥道子齊賢三世典選 韋挺子侍

賈侍賈子萬石 陸元方子景融並同典選

一門二相

呂蒙正夷簡一門二相 賈黃中昌朝亦一門二相

一門翰長

呂文靖公蒙正子公弼公著公亮公孺一門俱為翰長

並青
鎖集

三世執政

韓魏公子儀公曾孫似夫 曾魯公子孝寬孫欽道三

世執政

四世執政

呂許公從父文穆子惠穆正獻魯孫舜徒四世執政

周魯並拜

以下係父子並貴

封魯公以為周公也周公拜乎前魯公拜乎後曰生以

養周公死以為周公主

公羊

父子軍尉

祁奚辭軍尉薦其子代之軍無秕政

國語

父子司徒

緇衣美武公也父子並為周司徒善於其職

父子至相

前漢韋賢子玄成 平當子晏 唐劉祥道子齊賢

樂彥瑋子恩晦 蘇瓌子頤 陸元方子象先 竇德

玄子懷貞李道廣子元紘 令狐楚子綯 崔鉉子讓

能 徐商子彥若 崔慎由子侑 韋仁約承慶嗣立

鄭珣瑜子覃朗 李吉甫子德裕 宋呂夷簡子公

著 韓琦子忠彥

避父坐處

杜延年字幼公周之子也為御史大夫延年居父官府不敢當舊位坐卧皆易其處

代父為卿

漢公孫賀自太僕卿遷丞相其子敬聲代父為太僕卿

父子史官

劉子玄貺父子脩史

同官隔坐

吳亮為尚書令子騰為中書令每朝會詔以御屏風隔其坐

父子中書

王珉父洽永和中為中書令王珉復居之時人以為奕世令望

繼二父職

韓弘子公武從弘入朝為右金吾將軍弘出河中弘弟

充徙宣武乃曰二父居重鎮我以孺子又當執金吾職乎固辭改右驍衛大將軍

同日拜命

近時勲將尤貴盛者無如李郭然汾陽西平猶不得父

子並為節度田弘正父子俱擁節旄同日拜命

元稹田弘正墓

碑

同在禁苑

蘇瓌子頤遷給事中拜中書舍人時瓌同中書門下三

品父子同在禁筦朝廷榮之

門並列戟

德宗正元四年詔以太尉中書令西平郡王李晟長子
愿銀青光祿大夫太子賓客賜勲上柱國與晟門並列
戟

同為侍郎

唐崔挹為禮部侍郎子湜遷兵部侍郎父子同為南省
副

父子執政

父子秉政宋初至靖康元年凡十二家 王惠獻化基
叅政子安簡舉正 叅政呂文靖夷簡宰相子惠穆公
弼樞密使正獻公著 宰相石元懿熙載樞密使子文
定中立 叅政陳給事恕叅政子恭公執中 宰相韓
忠憲億叅政子獻肅絳宰相維門下侍郎莊敏縝 宰
相范文正仲淹叅政子忠宣純仁叅政純禮 尚書右
丞曹武惠彬樞密使子武穆瑋 樞密副使蔡丞相確

子懋 尚書左丞蔡太師京宰相子攸 樞密曾宣靖

公亮子孝寬 樞密王侍郎博文同知樞密院子忠簡
疇 樞密使呂文靖之老也以司徒監脩國史兼繹經
潤史使每有軍國大事與中書門下樞密院同議以聞
正獻之老也復以司空同平章事 曾令綽之為簽
書宣靖猶康寧遂就養東府士林尤以二家為盛事

祖孫宰相

曾魯公公亮孫欽道

祖孫執政

呂正獻孫舜徒 韓儀公孫似夫 梁莊肅孫才甫

富文忠孫季中 錢文僖元孫處和 王文獻孫康靖

張師黯孫簡翼 張章簡孫元量 張榮僖曾孫忠

文 蔣穎叔曾孫子禮

兄弟同省

以下係兄弟

溫大雅與弟彥博大有皆知名薛道衡見之嘆曰三人者皆卿相材也高祖兵興引為大將軍府記室叅軍主

文檄帝受禪遷黃門侍郎而彥博亦為中書侍中對管
華近帝謂曰我起晉陽為卿一門耳

兄弟宰相

韓康公弟莊敏

兄弟執政

呂鎮南弟正惠

陳文忠弟文惠

任康懿弟安惠

吳正肅弟正憲

呂惠穆弟正獻

韓獻肅弟莊敏

王文公弟和甫

蔡儋州弟元度

鄧子能弟文簡

洪文惠弟文安 宇文仲禮弟宗慤

父子兄弟入翰苑

錢文僖記父子入院一家 李文正昌武 兄弟入院

三家二竇可象望之 二李文靖相州 二錢希白師

聖當時以為極盛矣其後父子入院者又四家 錢希

白子飛 梁仲素莊肅 蘇儀甫子容 洪忠宣景伯

景嚴景盧 兄弟入院者又九家 二陳文惠康肅

二宋元憲景文 二吳正肅正憲 二韓康公持國

二蘇文忠文定 二曾文昭文肅 二蔡元長元度

二字文仲理仲通 三洪見前然洪氏父子兄弟入翰苑

者四人古今所未有也

叔姪宰相

呂文穆蒙正姪文靖夷簡

詳見叔姪

叔姪執政

胡文恭從子脩簡 林文節從子彥振 史簽樞從子

文惠 章文憲從孫質夫子厚

古今文集

雜著

漢霍光金日磾贊

霍光以結髮內侍起於階闥之間確然秉志義形於主
受襁褓之託擁昭立宣雖周公阿衡何以加然光不學
無術闇於大理死纔三年宗族誅夷哀哉金日磾外裔
亡國羈虜漢廷而以篤敬寤主忠信自著勒功上將傳
國後嗣世名忠孝七世內侍何其盛也

唐八蕭贊

梁蕭氏興江左實有功在民厥終無大惡以寢微而亡
故餘祉及其後嗣自瑀至邁凡八葉宰相名德相望與
唐盛衰世家之盛古未有也

宋韓氏父子贊

昔袁安未嘗以職罪鞠人史氏以其仁心足以覃乎後
昆韓億不悅擯人以小過而君子知其後必大皆盛德
事也億有子位公府而行各有適絳適於同維適於正

緝適於嚴烏虜維其賢哉

呂文靖贊

以夷簡為父而公著為子其謀謨事業有大過人者蓋夷簡善任智而公著則持正以成天下之務賢於父遠矣昔伊尹相湯咸有一德子陟相大戊巫咸又王家子賢以相祖乙漢之元平唐之蘇季宋之韓呂氏皆以相業世其家烏虜盛歟

子孫盛名

柳宗元

昔常孟以詩禮傳楚而郊廟之詩卒正於玄成鄭玄以箋注師漢而禪代之儀卒集於小同賈誼以經術起而嘉最好學盧植以儒學用而謚為祭酒舊史咸以為榮

欽定四庫全書

古今事類彙編
卷九

古今事類彙編後集卷九